

南陽府志卷之五

知南陽府事元和孔傳金重輯



人物志

南陽爲古申謝國自周及漢代有英賢光武起兵表

陵當時從龍諸公半出於宛嗣此名卿碩彥踵相接
矣夫國有史郡有志志其地必志其人惟歷代建置
沿革隨時變遷有以一地而迭爲郡縣者有因分併
而數易其名者故邑乘所志人物多有雷同余取舊
志而參訂之博考羣書披覽輿圖端以我



朝版籍之制爲準援古證今俾前賢之氏族里居有截

然不可移者流寓僊釋節烈皆同此例

高陽縣人物

宛

西鄂

杜衍

清陽

涅陽同鄧州

雒向城卽南召

高百里奚宛人晉獻公滅虢虜虞君與其大夫百里奚

以璧馬賂虞故也旣虜百里奚以爲秦穆公夫人

媵于秦百里奚亡秦走宛楚鄙人執之穆公聞其

賢欲重贖之恐楚人不與乃使人謂楚曰吾媵臣

百里奚在焉請以五羖羊皮贖之楚人遂與之穆

公授之國政號五羖大夫時年七十餘勞不坐乘

齊不張蓋相秦七年遂霸西戎

蠡字少伯南陽三戶人遊越有計然者葵邱濮
土人姓辛氏字文子其先晉國亡公子也蠡師事
之同事越王勾踐越王困于會稽之上乃用范蠡
計然遂報彊吳觀兵中國號稱五霸蠡既雪會稽
之耻乃喟然而嘆曰計然之策七越用其五而得
意既已施于國吾欲用之家乃乘扁舟浮于江湖
變名易姓適齊爲鴟夷子皮之陶爲朱公朱公以
爲陶天下之中諸侯四通貨物所交易也乃治產

積居與時逐而不責于人擇人而任十九年之中
三致千金再分散與貧交疏昆弟此所謂富好行
其德者也後年衰老而聽子孫子孫修業而息之
遂至巨萬故言富者皆稱陶朱公

按史記註范蠡楚三戶人一統

志三戶城在內鄉縣西南又南陽之界塚俗傳
爲范蠡故里居民廟祠之意先後所居之不同
歟故從

舊志

孟莊

赫南陽衍邑人好謀有辯才嘗欲重景翠於周
謂周君曰君之國小盡君之重寶珠玉以事諸侯
不可不察也譬之如張羅者張之於無鳥之所則

終日無所得矣張于多鳥處則又駭鳥矣必張于
有鳥無鳥之際然後能多得鳥矣今君將施于大
人大人輕君施於小人小人無可以求又費財焉
君必施於今之窮士不必且爲大人者故能得欲
矣赫後爲秦大將軍食采於南陽衍邑因家焉世
遂稱爲杜衍赫少子乘上黨太守生南陽太守札
札生周御史大夫周生三子延壽延考延年延年
有傳

呂 騰南陽涅陽人以騎士從高祖出關擊斬項籍

功封嚴侯食邑千五百戶

按涅陽去宛穰各六十里今攷其有據者分載

于志中

直不疑南陽人事文帝爲郎其同舍有告歸誤持同舍郎金去者已而金主覺亡意不疑不疑買金償之後告歸者來而歸金亡金郎大慙或毀不疑不疑狀貌甚美然特無禁其善盜嫂何也不疑曰我乃無兄然終不自明也不疑學老子言不疑連名時稱爲長者景帝時以擊吳楚功封塞侯

杜延年南陽杜衍人本大將軍光故吏封建平侯擢
太僕給事中太將軍持法太嚴延年輔之以寬
國家承武帝奢侈師旅之後數爲大將軍言宜修
孝文時政示民以儉約寬和充納其言宣帝卽位
以定策功益封霍氏敗免官後數月召拜北地太
守徙河西政清平徵爲御史大夫居三歲以老病
乞骸骨賜安車駟馬罷就第子緩嗣侯

按水經云
梅谿水出

縣北紫山南逕百里奚故宅又逕宛西呂城南
逕杜衍縣東左注於清水則杜衍當爲南陽西

地也

杜 綏少爲郎本始中以校尉從蒲類將軍擊匈奴
還爲諫大夫遷上谷都尉拜太常元帝卽位穀貴
民流永光中西羌反綏輒上書入錢穀以助用前
後數百萬綏六弟五人至大官少弟熊歷五郡二
千石三州牧有能稱唯中弟欽官不至而最知名
杜 欽字子夏少好經書家富口偏盲故不爲吏茂
陵杜鄴與欽同姓字俱以材能稱京師故衣冠謂
欽盲杜子夏以相別欽惡以疾見詆乃爲小冠高
一寸由是京師更謂欽爲小冠杜子夏云

孔休字子果南陽宛人哀帝初守新都令後王莽秉政休去官歸家及莽篡位遣使齎元纁束帛徵爲國師遂嘔血托病杜門自絕光武卽位求休子孫賜穀以旌顯之

東漢李

通字次元南陽宛人父守好星厯譌記嘗言劉氏復興李氏爲輔王莽末下江新市兵起南陽騷動時光武避事在宛通乃遣從弟軼迎光武議起兵及光武卽位以通爲衛尉建武二年封固始侯拜大司農帝每征討四方常令通居守京師鎮撫

百姓修宮室起學宮五年春代王梁爲前將軍六年夏領破姦將軍侯進捕虜將軍王霸等十營擊漢中賊公孫述遣兵赴救通等與戰於西城破之還屯田順陽時天下略定通思避榮寵以病乞身詔勉醫藥以時視事其夏引爲大司空後每謝病不視事帝令以公位歸第養病復固辭二歲乃聽上大司空印綬以特進奉朝請帝感通首創大謀封通少子爲召陵侯每幸南陽遣使者以太牢祀通冢十八年薨諡曰恭侯

漢字子顏南陽宛人更始初爲安樂令會王郎
據北州漢素聞光武長者乃說太守彭寵使合
潁陽上谷精銳附光武擊邯鄲寵乃遣漢將兵與
上谷諸將并軍而南擊斬王郎將帥及光武於廣
阿拜偏將軍旣拔邯鄲賜號建策侯光武將發幽
州兵夜召鄧禹問可使行者禹以漢對卽拜大將
軍持節北發十郡突騎收更始幽州牧苗曾斬之
而奪其軍北州望風弭從引兵而南會光武於青
陽及河北平漢與諸將奉圖書上尊號光武卽位

拜爲大司馬更封舞陽侯建武二年春漢率大司
空王梁建議大將軍朱祐等破檀鄉賊於鄴東漳
水止定封廣平侯明年春擊青犢於軹西圍蘇茂
於廣樂皆大破之又明年冬率建威大將軍耿弇
漢中將軍王常等擊富平大破其衆遂至無鹽渤
海皆平振旅還會隗囂畔復遣漢西屯長安八年
從車駕上隴遂圍隗囂于西城十一年春討公孫
述與述戰於廣都成都之間入戰入克斬述首傳
送洛陽明年正月朕旅至宛詔令過家上冢漢性

盡力每出師朝受詔夕卽引道初無辦嚴之阻
徵妻子在後買田宅漢還讓之曰軍師在外吏
士不足何多買田宅乎遂盡分於昆弟外家二十
年薨謚曰忠侯子哀侯成嗣成子旦封濯陽侯旦
弟盱爲筑陽侯成弟國爲新蔡侯又封漢兄尉子
彤爲安陽侯帝以漢功大復封弟翕爲褒親侯吳
氏侯者凡五國

陳俊字子昭南陽西鄂人更始立以宗室劉嘉爲
太常俊爲長史光武徇河北嘉遺書荐俊光武以

爲安集掾從擊銅馬賊於青陽進至滿陽辟疆弩
將軍與五校戰於安次俊下馬手接短兵所向無
敵斬其渠師而還光武望而嘆曰戰將盡如是豈
有憂哉及卽位封爲列侯建武二年更封新處侯
十三年定封祝阿侯徵奉朝請三十二年薨子浮
嗣

校

光字伯卿南陽宛人更始初爲信都太守及王

莽定郡國皆降光獨與都尉李忠令萬修等同心

守世祖自薊還傳聞信都獨爲漢拒邯鄲馳赴

之光等率官屬迎入傳舍世祖謂光欲與入
子路刁子都兵光不可乃多作檄文遣騎馳至
鹿界中吏民得檄傳相告語世祖遂與光等投暮
入堂陽界旬日之間兵衆大盛邯鄲遂平遣光歸
鄴建武元年封阿陵侯五年徵詣京師奉朝請薨
子隗嗣

朱祐字仲光南陽宛人少孤歸外家復陽劉氏往
來春陵世祖與伯升皆親愛之世祖討河北以祐
爲護軍常舍止於中祐侍讌從容曰長安政亂公

有日角之相此天命也從征河北常力戰陷陣以爲偏將軍封安陽侯世祖卽位拜爲建議大將軍建武二年更封堵陽侯十三年增邑定封鬲侯十五年朝京師上大將軍印綬因畱奉朝請祐奏古者人臣受封不加王爵可改諸王爲公帝卽施行又奏宜令三公並去大名以法經典後從其議二十四年薨子商嗣

卓

茂字子康南陽宛人元帝時學於長安習詩禮

及歷算稱爲通儒性寬仁恭愛鄉黨故舊皆愛慕

欣欣焉初辟丞相府史嘗出行有人認其馬茂問
曰子亡馬幾何時對曰月餘矣茂心知其謬嘿解
與之顧曰若非公馬幸至丞相府歸我他日馬主
別得亡者乃詣府送馬叩頭謝之茂性不好爭如
此後以儒術舉爲侍郎給事黃門遷密令吏人親
愛不忍欺之平帝時天下大蝗河南二十餘縣皆
被災獨不入密縣界是時王莽秉政遷茂爲京都
丞密人老少皆涕泣隨送及莽居攝以病免歸光
武卽位先訪求茂茂詣河陽謁見乃以茂爲太傅